



ELEKTROPRIJENOS BIH ЕЛЕКТРОПРЕНОС БИХ

Broj: JN-OP-1799-12/2022

Datum: 13.01.2023. godine

PREDMET: Pojašnjenje tenderske dokumentacije

U sjedištu Ugovornog organa dana 17.01.2023. godine, pod brojem protokola: JN-OP-1799-10/2022, zaprimljen je Zahtjev za pojašnjenje tenderske dokumentacije, broj: JN-OP-1799-6/2022 u postupku javne nabavke - Građevinski radovi na SM 18 na DV 110 kV Tuzla Center – Tuzla 3, dostavljen od strane privrednog subjekta „Kalelektrik“ d.o.o. Živinice, u kome se traže sljedeća pojašnjenja:

Molimo Vas za detaljnije pojašnjenje za davanje cijene ponude u Prilogu 3 – Obrazac za cijenu ponude, a na osnovu Predmjera radova za izvođenje građevinsko-zanatskih radova na izgradnji temelja SM 18 na DV 110 kV Tuzla Centar – Tuzla 3 (za orijentaciju) sa strana 40-42 tenderske dokumentacije, kako bismo bili u mogućnosti dati relevantnu ponudu.

Npr. ukoliko prilikom izvođenja radova dođe do osipanja zemlje, s obzirom da je riječ o klizištu, odnosno ukoliko količina iskopa i odvoza viška zemlje sa klizišta značajno premašuje količine navedene u dijelu Predmjera radova sa strana 40-42 tenderske dokumentacije (a koji je okvirnog karaktera), pri čemu ovakvi radovi predstavljaju radove i usluge potrebne za funkcionalnost objekta, da li ovi radovi spadaju u radove za koje Izvođač nema pravo od Naručioca zahtijevati plaćanje istih ili spadaju u naknadne radove.

S obzirom da je prilikom izvođenja radova na klizištu moguće naići na nepredviđene situacije, interesuje nas do kojeg nivoa je Izvođač dužan u cijenu da uvrsti radove koji spadaju u radove za koji Izvođač nema pravo od Naručioca zahtijevati plaćanje istih, a šta bismo trebali posmatrati kao naknadne radove, jer usljed nepredviđenih situacija za tu stavku je jako teško uraditi kalkulaciju cijene ponude?

Ugovorni organ u zakonski ostavljenom roku, shodno članu 56. stav (2) Zakona o javnim nabavkama ("Službeni glasnik Bosne i Hercegovine", broj: 39/14 i 59/22) daje odgovore sa pojašnjenjima kako slijedi:

Tenderskom dokumentacijom pod tačkom 24.9 navedeno je sljedeće:

„Cijena ponude koju navede ponuđač neće se mijenjati u toku izvršenja ugovora i ne podliježe bilo kakvim promjenama. Ugovorni organ će kao neprihvatljivu odbiti onu ponudu koja sadrži cijenu ponude koja se može prilagođavati, a koja nije u skladu sa ovim stavom.”

"Elektroprenos Bosne i Hercegovine" a.d. Banja Luka IB: 402369530009

78000 Banja Luka, Marije Bursać 7a,

Tel. +387 51 246 500, Fax: +387 51 246 550

Operativna područja:

Banja Luka, Sarajevo, Mostar i Tuzla

MB: 11001416

BR: 08-50.3.-01-4/06

Ministarstvo pravde BiH

Sarajevo

Korisničke banke i brojevi računa

Nova Banka a.d.

5550070151342858

UniCredit Bank a.d. B. Luka

5510010003400849

Raiffeisen Bank

1610450028020039

Atos Bank a.d. Banja Luka

5672411000000702

NLB Banka

1320102011989379

Tenderskom dokumentacijom u Prilogu 3 – Obrazac za cijenu ponude u napomeni, pod tačkom 2. navedeno je sljedeće:

„Cijena ponude se iskazuje u skladu s gore datom formom i mora da sadrži sve naknade koje ugovorni organ treba platiti ponuđaču. Ugovorni organ ne smije imati nikakve dodatne troškove osim onih koji su navedeni u ovom obrascu.”

Tenderskom dokumentacijom u Prilogu 9 – Nacrt ugovora, Član 3., stav (2), (6) i (7) navedeno je sljedeće:

„(2) U navedenu cijenu uključeni su svi troškovi za korištenje zemljišta za organizaciju gradilišta, za privremene priključke gradilišta na komunalnu infrastrukturu, za prekomjerno korištenje saobraćajnica, troškovi pripremnih radova i iskolčenja objekta, privremenog uvoza i izvoza opreme, alata i materijala za izvođenje usluga i radova, zatim svi troškovi rada, materijala i opreme, rada mašina, transporta, pomoćnih poslova, ispitivanje i dokazivanje kvalitete, troškovi geodetskog snimanja izvedenog objekta, te takse, porezi, plate, režijski troškovi, troškovi osiguranja i svi drugi izdaci Izvođača za završetak radova do potpune funkcionalnosti i primopredaje objekta Naručiocu na upotrebu.“

„(6) Pored stavki iskazanih u prilogu ovog Ugovora – Obrazac za cijenu ponude, ukupna cijena iz ugovora uključuje i sav sitni nespecificirani materijal i opremu, te usluge i radove potrebne za dovođenje objekta u funkcionalno stanje.“

„(7) Konačna vrijednost radova utvrdiće se obračunom izvršenih radova između ugovornih strana i na osnovu stvarno izvršenih radova uz primjenu ugovornih cijena do maksimalno ukupne ugovorene vrijednosti.“

Na osnovu gore navedenog evidentno je da svaki Ponuđač u svojoj ponudi mora ukalkulisati sve eventualne troškove za realizaciju kompletnog ugovora te ne može od Naručioca zahtijevati bilo kakva plaćanja koja nisu ugovorena.

S poštovanjem,

Predsjednik Komisije za
JN-OP-1799/2022

